



Le Dietenheim desdlacia le resultat purmó amesa le secundo tēmp, do che le La Val ti tēgn bót por gran pert dla partida.

En aversar sterch chël dl Dietenheim, che mêt bel dal mêtëman dla partida sot a presciun la formaziun ladina. Tla prûma cherd'ora mëss i padruns de ciasa se paré cun mans y pîsc cuntra l'atach aversar, sũa miú erma é les situaziuns standard, sôn chères che ai é dassënn prigorusc. I sogadús da La Val indere tēgn bót al prüm asediamënt y se lascia tosc udëi te ciamp. Do i vint menüc se ecuilibrëia la partida y ince i ladins á sũa ocajiun, sôn na rebatüda resta le palé sôn le limit de area, Stefan tira cun forza cuntra porta, indere de püch sura fora. Al 30^a rōia dal'atra pert na bela crossada dal ciantun, l'atacant salta a dërt tēmp por rebat cun le ce te porta ladina, la reaziun de Nathan é ejemplara, al se destira a se apié le curan, che ti resta tles mans. Val trata aversara rōia ciamó cuntra porta de ciasa, mo indî nia prigorosa.

Ince tla secunda pert romagn le jüch a mezciamp, ecuibré da tramres perts. La paziënza devënta tres mëindra y tramres formaziuns ó desdlacé le resultat por prüms. Chësc ti gareta indere daimprüma ai aversars da Dietenheim cun en gran gol al 65[^]. Ala trata dal ciantun se presenteia le sogadú Lechner che tira a giré diretamënter cuntra porta: le numer un Nathan pro ciamó da se destrá, mo le palé rōia de pūch sot l'incrujiada de porta. A respogn al vantaje aversar é i ladins, che injunta en sogadú ofensif ala formaziun, a sostëgn dl'atach. Ai pro de avanzé cun palés basc y rischiëia ince cotan. Na puniziun da buna posiziun salta ciamó fora, daulache la trata vëgn delota te ciantun cun la man, fat indere nia odü dal mandl fosch. Insciö anuzëia ince le Dietenheim le mumënt por jí in cuntrapé, le sogadú Tripodi rōia dan le portier, ciafa na bela crossada y tira lunch cuntra porta, segnan en bel gol che ti taia spo les giames al La Val.

Na pordüda antia: le La Val á tigní bót cina i ultims vint menüc, canche le gol sön standard á condizioné l'andamënt dla partida. La vōia de davagné y la determinaziun an indere odü, chësta é da porté inant tles proscimes partides de campionat!

La Val – Dietenheim 0-2

Formaziun La Val: 1. Nathan Massa, 2. Natan Colletta (dal 77[^] Marco Miribung), 3. Denis Erlacher (dal 77[^] Alex Rubatscher), 4. Christian Terza, 5. Paolo Vallazza, 6. Philip Moling, 7. Alex Ploner, 8. Stefan Sottara – capitan, 9. Martin Ploner, 10. Alex Elzenbaumer, 11. Andreas Campeï (dal 56[^] Mattia Mutschlechner)

Proscima partida: La Val in duman sabeda dales 15:00 te ciasa cuntra le Raas